



Era Adolf Collenberg, Anna-Alice Dazzi, Romana Costa, Marcel Dietrich e Vincenzo Todisco s'han fatschentads sonda saira cun il tema cuntribanda.

FOTOS F. ANDRY/R. G. DERMONT

25 onns Dis da litteratura a Domat

■ (anr/rgd) Sonda saira è vegnì festagià il giubileum da 25 onns dals Dis da litteratura a Domat. A chaschun da l'act festiv dal giubileum da 25 onns han ils organisateurs dals Dis da litteratura envidà ad ina discussiun davart il tema cuntribanda cun ils giasts Marcel Dietrich, Adolf Collenberg, Anna-Alice Dazzi e Vincenzo Todisco. La moderaziun ha surpiglià Romana Costa. Ils giasts èn tuts en ina u l'autra furma sa fa-

tschentads cun cuntribanda e cuntribandists. Marcel Dietrich ha lavurà durant ils onns 1950 enfin 1980 sco guardia da cunfin en differents lieus en Svizra. En quest connex è vegnida tematisada la cuntribanda da café dal Puschlav vers l'Italia. Tenor l'istoricher Adolf Collenberg vegniva transportà durant il temp culminant da la cuntribanda da café mintga di fin tschintg tonnas sur il cunfin verd. Pli grevas da bandischar èn

dentant ideas e patratgs. La linguista Anna-Alice Dazzi ha constatà che sur cunfins linguistics saja cuntribanda constanta e perfin necessaria, mintga linguatg saja en interacziun cun ils auters. Vincenzo Todisco finalmain ha relatà da si'istorgia persunala tranter ils linguatgs rumantsch, talian e tudestg e da la convivenza da quels. Suentar la discussiun ha la furmaziun da musica Quintinò procurà per atmosfera festiva.